

〔續日本紀一文武〕二年七月乙亥下野備前二國獻赤鳥、

〔續日本紀三文武〕慶雲元年七月丙戌下總國獻白鳥、二年九月癸卯越前國獻赤鳥、國司并出瑞郡司等進位一階、百姓給復一年、獲瑞人穴人臣國特授從八位下、並賜純綿布、各有所差、

〔續日本紀八元正〕養老五年正月戊申朔武藏上野二國並獻赤鳥、

〔續日本紀十三聖武〕天平十一年正月甲午朔出雲國獻赤鳥、越中國獻白鳥、

〔續日本紀十九孝謙〕天平勝寶六歲正月丁酉朔上野國獻白鳥、七歲六月癸卯安藝國獻白鳥、

〔續日本紀二十九稱德〕神護景雲二年八月己酉參河國獻白鳥、九月辛巳勅今年七月八日得參河國碧海郡人長谷部文選所獻白鳥、略付所司令勘圖牒奏、稱願野王符瑞圖曰、白鳥者大陽之精也、孝經

援神契曰、德至鳥獸則白鳥下、略仍勘瑞式、白鳥是為中瑞、略朕以菲薄頻荷鴻貺、思順先典、式覃

惠澤、略長谷部文選授少初位上、賜正稅五百束、

〔續日本紀三十稱德〕寶龜元年七月戊寅常陸國那賀郡人文文恐部龍麻呂占部小足獲白鳥、筑前國嘉

麻郡人財部宇代獲白雉、賜爵人二級、稻五百束、

〔續日本紀三十二光仁〕寶龜三年六月癸丑參河國獻白鳥、四年九月丁亥常陸國獻白鳥、

〔續日本紀三十三光仁〕寶龜五年七月丁未上總國獻白鳥、

〔續日本紀三十八桓武〕延曆三年六月辛亥普光寺僧勤韓獲赤鳥、授大法師、并施稻一千束、

〔類聚國史百六十五祥瑞〕延曆十三年五月乙未甲斐國獻白鳥二、

〔日本後紀十四平城〕大同元年八月己卯武藏國獻白鳥、賜獲者伊福部淨主稻五百束、

〔類聚國史百六十五祥瑞〕大同四年五月癸酉伊勢國獲白鳥、

弘仁二年五月戊午信濃國獲白鳥、

〔續日本後紀十四仁明〕承和十一年六月己未太宰府獻白鳥、鳥原作鳥今據類一雙、聚國史百六十五改、